

## **Stáhtaráđi ásahus giellaássiid ráđđádallangottis**

Stáhtaráđi mearrádusa mielde mearriduvvo:

1 §

### *Ulbmil*

Giellaláhkaásaheami ollahuhttima ja guoskadeami ovdáneami ja čuovvuma, gielalaš rivttiid ollahuhttima ovdáneami ja čuovvuma sihke gielalaš diliid ovdáneami čuovvuma várás lea vuoigatvuodaministeriija oktavuodas giellaássiid ráđđádallangoddi.

Stáhtaráđđi ásaha ráđđádallangotti njealji jahkái hávállassii.

2 §

### *Barggut*

Ráđđádallangotti bargun lea:

- 1) veahkehit vuoigatvuodaministeriija giellaláhkaásaheami ollahuhttima ja guoskadeami čuovvumis, mielde lohkkon stáhtaráđi muitalusas giellaláhkaásaheami guoskadeami válmastallamis, mii addojuvvo riikkabeivviide válgaáigodagaid mielde;
- 2) doarjut giellaláhkaásaheami ollahuhttima, ovddidit earenoamážit riikkagielaid, sámegielaid ja seavagielaid anu ja sajádaga sihke čuovvut ja ovddidit gielalaš rivttiid ollahuvvama ja dán ulbmilis dárbbu mielde dahkat ovdanbuktimiid ja addit cealkámušaid;
- 3) ovddidit giellajoavkkuid dialoga ja ovttasbarggu ráđđehusain ja eiseválddiiguin.

Ráđđádallangoddi sáhhtá maid:

- 1) čuovvut riikka gielladiliid sihke riikkaidgaskasaš ovdáneami ja ovttasbarggu;
- 2) iežas álgagis válmmaštallat vuoigatvuodaministeriija atnui ávžžuhusaid gažaldagain, mat laktásit giellaláhkaásaheapmái ja dan guoskadeapmái, sihke dahkat álgagiid gielalaš vuoigatvuodaid ovddideami várás ja gielalaš ovttavewardásašvuoda ollahuhttima várás;
- 3) ovddidit sierra mearriduvvon vugiid mielde 1 §:s mearriduvvon ráđđádallangotti ulbmila.

3 §

### *Čoakkádus*

Ráđđádallangottis lea ságadoalli, sadjásaš ságadoalli ja eanemustá 20 eará lahtu, geain guđesnai lea persovnnalaš sadjásaš lahttu.

Ráđđádallangottis leat ovddastuvvon ráđđádallangotti bargguid dáfus guovddáš ministeriijat, dan bargguid dáfus guovddáš suorggit, gielddahálddahus ja buresbirgenguovlluid hálddahus sihke

giellagáhttema dehe gielladutkamuša áššedovdamuš sihke eará ráđđádallangotti bargguid dáfus mávssolaš áššedovdamuš. Dasa lassin ráđđádallangoddái bovdejuvvojit ovddasteaddjit Svenska Finlands folkting -organisašuvnnas, sámedikkis sihke suomelaš seavagiela ja somaruottelaš seavagiela geavaheddjiid organisašuvnnain.

Ráđđádallangoddi sáhtta bovdet bissovaš dehe gaskaboddasaš áššedovdiid sihke dárbbu mielde gullat maid eará áššedovdiid.

#### 4 §

##### *Doaimma ordnen*

Ráđđádallangoddi lea mearridanválddálaš, go čoakkáma ságadoalli ja unnimusat bealli eará lahtuin leat mielde. Go ášši mearridettiin bohtet ovdan sierraoaivilat, de ášši mearriduvvo ovttagardán jienaid eanetloguin. Go jienat mannet dássálagaid, de ášši rátká dat oaivil, man ságadoalli lea guottihan.

Ráđđádallangottis lea čáli dehe čállit, geaid vuoigatvuodaministeriija mearrida.

Ráđđádallangoddi mearrida eará meannudanvugiin, mat gusket doaimma ordnema.

Ráđđádallangoddi sáhtta ásahit bargolávdegotti sihke dárbbu mielde juhkosiid ja bargojoavkkuid.

Ráđđádallangotti lahtuid ja áššedovdiid goluid buhttemis mearrida vuoigatvuodaministeriija.

#### 5 §

##### *Vuoibmáiboahhtin*

Dát ásahus boahhtá vuoibmái mánu beaivvi 2026.

Dáinna ásahusain gomihuvvo:

- 1) stáhtaráđi ásahus seavagiellaáššiid ráđđádallangottis (690/2020);
- 2) giellalága ollahuhttimis addojuvvon stáhtaráđi ásahusa (433/2004) 1 lohku.